

- gote dieneter gerne.  
daz teter alliz tougin.  
wie dickér uon den ougin.  
die trahene liez fliezen.
70. so man ime die rede suze.  
uon unseme herrin sagete.  
sine sunde er da miete clagete.  
stille in sinem mute.  
io was der herre gute.
75. uon uollime edele geborn.  
sine frunt hattin in irkorn.  
un sine liute \*) ce herrin.  
swanne sin uater mere.  
in der werlde ne lebete.
80. daz sie in ce troste habetin.  
siez woldin des wenin.  
swanner swert neme.  
er wurde ein gut urlougis man.  
sinen uianden uorhtsam.
85. des swertis er niht ne gerete.  
wie wole er bewarete.  
daz ime liep was.  
swa er die durftigen gesah.  
nackit odir frostic.
90. hungirc odir durstic.  
den brahter iz stille.  
durh den gotis willen.  
swa er die siechin uirnam.  
uil schierer zu in quā.
95. sanfter die labete.  
die warin minne er habete.  
ce gotelichin dingin.  
die werlt was ime diz minnist.
100. ureischete in bandan.  
odir in karkere.

vgl. Will. 8, 7 Dez  
minnist  
Hofm. LXXIII, 22

\*) Liute undeutlich, es scheint liute ober liate; auch stimmt das  
in nicht zu den sonst stehenden u.